

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**O D L U K A
O DAVANJU SAGLASNOSTI NA OBRAČUN SREDSTAVA U ZDRAVSTVU
U FEDERACIJI BOSNE I HERCEGOVINE ZA 2017. GODINU**

Sarajevo, decembar 2018. godine

Na osnovu člana 152. stav (2) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i člana 143. stav (2) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) Predstavnički dom Parlamenta Federacije Bosne i Hercegovine, na __ sjednici održanoj ____2018. godine i Dom naroda Parlamenta Federacije Bosne i Hercegovine na __ sjednici održanoj ____2018. godine, d o n i o j e

O D L U K U
o davanju saglasnosti na Obračun sredstava u zdravstvu
u Federaciji Bosne i Hercegovine za 2017. godinu

I

Daje se saglasnost na Obračun sredstava u zdravstvu u Federaciji Bosne i Hercegovine za 2017. godinu.

II

Obračun iz tačke I ove odluke nalazi se u prilogu ove odluke i čini njen sastavni dio.

III

Ova odluka stupa na snagu narednog dana od dana objavljivanja u „Službenim novinama Federacije BiH“.

Broj: _____

Datum: _____

Predsjedavajući
Doma naroda
Parlamenta Federacije BiH

Predsjedavajući
Predstavničkog doma
Parlamenta Federacije BiH

OBRAZLOŽENJE

Odluke o davanju saglasnosti na Obračun sredstava u zdravstvu u Federaciji Bosne i Hercegovine za 2017. godinu

I - ZAKONSKI OSNOV

Zakonski osnov za donošenje Odluke o davanju saglasnosti na Obračun sredstava u zdravstvu u Federaciji Bosne i Hercegovine za 2017. godinu koji je izradio Zavod zdravstvenog osiguranja i reosiguranja Federacije Bosne i Hercegovine sadržan je u članu 143. stav (2) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) i članu 152. stav (2) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08).

II - RAZLOZI ZA DONOŠENJE

Obračun sredstava u zdravstvu u Federaciji Bosne i Hercegovine za 2017. godinu (u daljem tekstu: Obračun sredstava u zdravstvu) urađen je saglasno odredbama Zakona o zdravstvenom osiguranju („Službene novine Federacije BiH“, br. 30/97, 07/02, 70/08, 48/11 i 36/18) i odredbama Pravilnika o obračunu sredstava u zdravstvu („Službene novine Federacije BiH“, br. 26/03 i 43/04).

Obračun sredstava u zdravstvu usvaja Upravni odbor Zavoda zdravstvenog osiguranja i reosiguranja Federacije Bosne i Hercegovine, a nakon toga se, putem Federalnog ministarstva zdravstva, dostavlja Vladi Federacije Bosne i Hercegovine i Parlamentu Federacije Bosne i Hercegovine na razmatranje i usvajanje.

Osnovni podaci iz Obračuna sredstava u zdravstvu, a koji se odnose na izvorne prihode i potrošnju zdravstvenog novca kao i obuhvat stanovništva osiguranjem po kategorijama osiguranja, nakon usvajanja na Parlamentu Federacije Bosne i Hercegovine, se objavljuju kao zvanični podaci i isti služe kao osnova za obračun paušala po međunarodnim sporazumima o zdravstvenom osiguranju.

III - OBRAZLOŽENJE

Tačkom I Odluke daje se saglasnost na Obračun sredstava u zdravstvu.

Tačkom II Odluke definirano je da Obračun iz tačke I predstavlja sastavni dio ove Odluke i da se nalazi u prilogu.

Tačkom III Odluke predviđeno je da ista stupa na snagu narednog dana od dana objavljivanja u „Službenim novinama Federacije BiH“.

IV - FINANSIJSKA SREDSTVA

Za realizaciju ove odluke nisu potrebna dodatna izdvajanja sredstava iz Budžeta Federacije BiH.